



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Opera Mystica V. Ac Mystici Doctoris F. Ioannis A Cruce
Primi Religiosi Discalceati Ordinis B. V. M. De Monte
Carmelo Et Seraphicæ Virginis Theresiæ fidelissimi
coadiutoris**

Juan <de la Cruz>

Coloniæ Agrippinæ, 1639

Epistola VI. Ad Sororem Magdalenam à. S. Spiritu Monialem Carmelitam
Discalceatam Cordubæ. Vbi eam confortat ad patiendum incommoda,
quæ in nouis foundationibus sese offerunt.

urn:nbn:de:hbz:466:1-37873

EPISTOLA V.

AD MATREM ELEONORAM à S. Gabriele
Monialem Carmelitam Discalceatam
in Conuentu Cordubensi.

*Docet eam quomodo egredi oporteat de terra &
à nobis ad faciendum voluntatem Dei.*

IESVS sit in anima R. V. mea in Christo filia. Gratiarum ago R. V. pro epistola tua, nec non Deo, quod ipsius opera uti voluerit in istius conuentus fundatione. hoc siquidem ideo à Diuina Maestate factum est, ut R. V. magis perficeret. Nam quo plura donare cogitat, eo magis illa nos efficit desiderare, donec nos omnino vacuos reddat, ut sic bonis suis cœlestibus impleat. Optime soluta erunt bona Hispali nunc à R. V. relicta amore sororum: ex eo namque, quod Dei immensa bona non capit, nisi cor vacuū, & solitarium: propterea Dominus (quia amat R. V.) vult ut bene sit solitaria, cupiens ipse omnem societatem R. V. exhibere, eritque necessarium ut R. V. applicet animum, quatenus ipso solo sit contenta, quo sic in ipso inueniat omnem consolationem. Licet enim anima in cœlo versetur, nisi ad illud amandum voluntatem applicet, nequaquam erit satisfacta: sic etiam nobis euenit cum Deo, quamuis. n. semper nobiscum sit, si alteri rei cor affixum & minime solitarium habemus, nequaquam contenti erimus. Non dubito quin Hispalenses sentiant ibidem solitudinem ob absentiam R. V. sed fortassis iam inibi profuerat, quantum poterat; nunc vero voluntas Dei est, ut etiam prosit apud nos: nam fundatio ista numerari debet inter præcipuas, quare conetur R. V. multum iuuare Matrem Priorissam, in omnib. rebus magna cum

vnanimitate & amore, licet non ignorem esse superuacuum V. R. hoc commendare; utpote quæ tanquam annosa, & experta, optime nouit, quæ solent accidere in hisce fundationibus: idcirco enim R. V. selegimus, det Dominus R. V. spiritum suum. Segobrida 8. Iulij 1589.

Fr. Ioannes à Cruce.

EPISTOLA VI.

Ad Sororem Magdalenam à S. Spiritu Monialem Carmelitam Discalceatam Cordaba.

Vbi eam confortat ad patiendum incommoda, quæ in nouis fundationibus sese offerunt.

IESVS sit in anima tua charissima in Christo filia. Gaudium sum videre proposita, quæ per epistolam ostendis, benedico Deum, qui providentia sua omnia disponit: satis enim tibi erunt necessaria in hisce fundationum primordijs, ad ferendos caloris æstus, angustiam loci, paupertatem, & labores in omnibus rebus: ita tamen, ut nemo percipiat verum tibi molesta sint, an non. Vide quod Deus in his principijs quærat animas non desides, & inertes, neque delicatas, & suauitantes; ac propterea tunc Diuina Mater peculiariter præsto est; adeo ut modica adhibita diligentia, possint in omni virtute proficere: & sane fors magna, & signum Dei fuit, alijs prætermisiss, te eò adducere. licet enim multum constare deberet quod relinquis, nihil plane est equidem cito etiam illud relinquendum erat. ut autem Deum in omnibus habeamus, oportet nihil nos in omnibus habere. Cor enim quod vnus est, quo pacto totum alterius esse potest? Sorori Ioan-

B.
Joann
à Cruce

Opera
mystic
NIV
129

næ idem etiam dico, nec non vt pro me Deum exoretis. Ipse sit tecum in anima, Amen. Segobrida 28. Iulij 1589.

Fr. Ioannes à Cruce.

EPISTOLA VII.

Ad Virginem quandam Matritensem, quæ postmodum habitum Carmelita Discalceata induit, vixitque laudabiliter in monasterio Arenarum.

Respondet tribus ab ea quæstis, nimirum circa peccata deservenda, meditandam Christi Domini passionem, & gloriam Paradisi.

IESVS sit semper in anima tua. Eo tempore tabellarius appulit, quo respondere non poteram dum transiret, imo etiam nunc expectat. Donet cibi Deus, o filia, semper suam gratiam, vt tota in omnibus amori & obsequio illius intendas, prout teneris: si quidem in hunc solummodo finem ab illo creata & redempta es multa dicenda forent circa puncta, quæ à me inquiris; sed temporis, & epistolæ angustia id non permittit. Dicam tamen alia tria, quibus aliquantum proficere poteris. in primis circa peccata (quæ Deo ita exosa sunt, vt pro eis eum mori necesse fuerit) debes, vt condigne illa desistere, & vitare possis, hominum confortia, quantum fieri potest, declinare, atque illos fugere, & in quavis re agenda, non proferre plura verba, quam quæ sunt præcisè necessaria: nam tamen perfectus quis sit, cõuertendo tamen cum hominibus plus quam necessitas, & ratio requirit, oberit illi, simul etiam legem Domini exacte, & cum amore te custodire oportet. Quod ad Christi Domini passionem attinet, studeas corpus tuum rigide, sed discretè tractare, nec non odium tui i-

psius, & mortificationem prudenter exercere, nec velis in re vlla gustum, & voluntatem propriam sequi: hæc siquidem illius mortis, & passionis causa fuit: quidquid feceris de consilio Domine matris efficit. Quoad, denique, gloriam videlicet cœlestem, vt ritè eam mediteris, & ames; vniuersas mundi diuitias, & voluptates lutum reputes, vanitatem & fatigationem, sicuti reuera sunt. Nihil præterea magni facias, quantumuis magnum & pretiosum sit, præter Dei gratiam & amicitiam. quandoquidem pretiosiora quæque huius vitæ, si cum æternis illis bonis, pro quibus à Deo creati sumus, conferantur, turpia, & amara sunt: quorum deformitas, & amaritudo, licet breuis sit, & transitoria, permanet nihilominus æternaliter in anima, quæ illa æstimat, & magni facit. Non obliuiscor negotij tui, nunc autem expediri nequit; licet satis multum mihi cordi sit. Serio rem Deo commendes, & Deiparam Virginem & D. Iosephum aduocatos tibi assume. Domine Matri plurimam salutem dico, & vna simul orate pro me, vtque etiam amicæ vestræ pro me excharitate orent, curate. Deus donet tibi suum spiritum. Segobrida.

Fr. Ioannes à Cruce.

EPISTOLA VIII.

Ad D. Iohannam de Pedraça Granata.

Instruit eam quomodo se gerat in ariditatibus & derelictionibus.

IESVS sit in anima tua: cui gratias refero quod mihi hanc præstiterit gratiam vt non obliuiscar pauperum, nec sub umbra recumbam, vt tu dicis. Non parum

Mmm 3 me